



ՀՀ ԱՐՄԱՎԻՐԻ ՄԱՐԶ
ԷԶՄԻԱԾԻՆ ՀԱՄԱՅՆՔԻ ՂԵԿԱՎԱՐ

02 2018թ.

ՈՐՈՇՈՒՄ ԹԻՎ 119

ք. Էջմիածին

ՀԱՇՎԱՐԿԸ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆ ՄԱՀՄԱՆՎԱԾ ԺԱՄԿԵՏՈՒՄ
ՉՆԵՐԿԱՅԱՑՆԵԼՈՒ ՀԱՄԱՐ ՏՈՒԳԱՆՔ ՆՇԱՆԱԿԵԼՈՒ ՄԱՍԻՆ

Էջմիածին համայնքի ղեկավարը քննության առնելով թիվ 3/2 վարչական գործը՝ Էջմիածին քաղաքի, Չարենց փող. 9/20 հասցեում գրանցված <<ՄԱՆՀ 045>> ՍՊԸ-ի կողմից գույքահարկի կիսամյակային հաշվարկը տեղական ինքնակառավարման մարմին սահմանված ժամկետում չներկայացնելու համար տուգանք նշանակելու մասին, պարզեց որ

<<ՄԱՆՀ 045>> ՍՊԸ-ն (հաշվառված ք. Էջմիածին, Չարենց փող. 9/20 հասցեում /պետ. ռեգիստրի գրանցման համար՝ 99.110.973936/2017-09-12, ՀՎՀՀ 04426926) հանդիսանալով Էջմիածին քաղաքային համայնքի վարչական սահմաններում գտնվող շինության և հողամասի սեփականատեր՝ <<Գույքահարկի մասին>> ՀՀ օրենքի 3-րդ հոդվածի համաձայն գույքահարկ վճարող սուբյեկտ, խախտելով <<Գույքահարկի մասին>> ՀՀ օրենքի 9-րդ հոդվածի 2-րդ մասի պահանջները՝ սահմանված եղանակներով չի ներկայացրել գույքահարկի կիսամյակային հաշվարկը, որի համար Վարչական իրավախախտումների վերաբերյալ Հայաստանի Հանրապետության օրենսգրքի 169¹-րդ հոդվածի 2-րդ մասով սահմանված է տուգանքի նշանակում՝ սահմանված նվազագույն աշխատավարձի տասնապատիկից մինչև քսանապատիկի չափով, ինչի կապակցությամբ Էջմիածնի համայնքապետարանի աշխատակազմի բյուջետային մուտքերի ապահովման բաժնի կողմից 14.08.2018թ. տրված հիշեցման թերթիկի հիման վրա 2018 թվականի հոկտեմբերի 2-ին <<Վարչարարության հիմունքների և վարչական վարույթի մասին>> Հայաստանի Հանրապետության օրենքի 30-րդ հոդվածի 1-ին մասի <<բ>> ենթակետի և նույն օրենքի 34-րդ հոդվածով սահմանված կարգով, <<Վարչական իրավախախտումների վերաբերյալ>> Հայաստանի Հանրապետության օրենսգրքի 169¹ հոդվածի 2-րդ մասի պահանջների խախտման փաստով հարուցվել է վարչական վարույթ: Էջմիածնի համայնքապետարանի վարչական իրավախախտման դեպքերով հարուցված վարչական վարույթի շրջանակներում գործերի ուսումնասիրման, նախապատրաստման և հաշվառման աշխատանքների իրականացման հանձնաժողովը (այսուհետ՝ հանձնաժողով) հրավիրել և անցկացրել է լսում <<ՄԱՆՀ 045>> ՍՊԸ-ի ներկայացուցչի բացակայությամբ, ով պատշաճ ծանուցված է եղել, սակայն չի ներկայացել լսմանը:

Վարչական ակտն ընդունելու համար հիմք հանդիսացող փաստերը.

• <<ՄԱՆՀ 045>> ՍՊԸ-ն տեղական ինքնակառավարման մարմին չի ներկայացրել կազմակերպության 2018 թվականի առաջին կիսամյակի գույքահարկի հաշվարկը, չնայած Էջմիածնի համայնքապետարանի բյուջետային մուտքերի ապահովման բաժնի կողմից ուղարկված 14.08.2018թ. հիշեցման /հիմք՝ փոստային հավաստագիր առ 20.08.2018թ. AG010177965AM/:

• Հանձնաժողովի՝ 17.10.2018թ.-ի վարչական տույժ նշանակելու վերաբերյալ թիվ 2 արձանագրությունը:

Վարչարարության կարգով հարուցված և իրականացված վարչական վարույթի ընթացքում գործի փաստական հանգամանքների բազմակողմանի, լրիվ և օբյեկտիվ քննության արդյունքում, բացահայտելով գործի բոլոր հանգամանքները և հիմք ընդունելով վերոհիշյալ փաստերը՝ վարչական մարմինը հաստատված է համարում հետևյալը.

1. <<Գույքահարկի մասին>> ՀՀ օրենքի 4-րդ հոդվածով սահմանված՝ գույքահարկով հարկվող օբյեկտ համարվող շենքերի և շինությունների հաշվառման ու գնահատման տվյալների վերաբերյալ ՀՀ ԿԱ ԱԳԿ պետական կոմիտեի աշխատակազմի ամփոփ ցուցակից քաղվածքի համաձայն <<ՄԱՆՀ 045>> ՄՊԸ-ն Էջմիածին համայնքի վարչական սահմաններում ունի իրեն սեփականության իրավունքով պատկանող գույք, ուստի հիմք ընդունելով նույն օրենքի 8-րդ հոդվածը և Հարկային օրենսգիրքը պարտավոր է ներկայացնել հաշվարկ տեղական ինքնակառավարման մարմիններ:

<<Գույքահարկի մասին>> ՀՀ օրենքի 9-րդ հոդվածի համաձայն՝ կազմակերպությունների համար գույքահարկի հաշվետու ժամանակաշրջան է համարվում հաշվետու տարվա կիսամյակը:

Գույքահարկ վճարող կազմակերպությունները հարկային մարմնի հաստատած ձևով գույքահարկի կիսամյակային հաշվարկը մինչև հաշվետու կիսամյակին հաջորդող ամսվա 20-ը (ներառյալ) «Հարկերի մասին» Հայաստանի Հանրապետության օրենքի 15-րդ հոդվածի «գ» կետով սահմանված եղանակներով ներկայացնում են՝

1) հարկվող օբյեկտ համարվող շինությունների մասով՝ շինության գտնվելու վայրի համապատասխան հաշվառող մարմին:

2) հարկվող օբյեկտ համարվող փոխադրամիջոցների մասով՝ իրենց գտնվելու վայրի համապատասխան հաշվառող մարմին:

2018 թվականի հոկտեմբերի 2-ին <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի <<բ>> կետի հիմքով, Էջմիածնի համայնքապետարանում հարուցված վարչական վարույթի շրջանակներում 2018 հոկտեմբերի 17-ին հրավիրվել է լսում, որին մասնակցելու նպատակով պատշաճ ծանուցվել է /հիմք՝ 02.10.2018թ.-ի փոստային հավաստագիր AG011697260AM/ <<ՄԱՆՀ 045>> ՄՊԸ-ն:

Վերջինս, պատշաճ ծանուցված լինելով վարչական վարույթի անցկացման վայրի և ժամանակի մասին, չի ապահովել իր ներկայացուցչի մասնակցությունը վարչական վարույթի լսմանը: Արդյունքում հանձնաժողովը արձանագրություն է կազմել և առաջարկել մասնակից <<ՄԱՆՀ 045>> ՄՊԸ-ին ենթարկել վարչական պատասխանատվության և նշանակել վարչական տուգանք, գույքահարկի հաշվարկը սահմանված ժամկետում չներկայացնելու համար՝ սահմանված նվազագույն աշխատավարձի քսանապատիկի չափով՝ 20 000 /քսան հազար/ ՀՀ դրամ:

Վարչական ակտ ընդունելու հիմնավորումը.

Համաձայն ՀՀ Սահմանադրության 60-րդ հոդվածի ութերորդ կետի՝ յուրաքանչյուր ոք պարտավոր է մոծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ:

Համաձայն <<Տեղական ինքնակառավարման մասին>> ՀՀ օրենքի 38-րդ հոդվածի 1-ին մասի 3-րդ կետի՝ համայնքի ղեկավարը որպես սեփական լիազորություն, օրենքով սահմանված կարգով կազմակերպում է գույքահարկի, հողի հարկի, տեղական հարկերի, տուրքերի և վճարների, համայնքի վարչական սահմաններում գտնվող համայնքային և պետական սեփականություն համարվող հողերի, համայնքի սեփականություն համարվող գույքի վարձավճարների գանձումն ու վերահսկումը:

Նույն հոդվածի 4-րդ կետի համաձայն՝ տեղական հարկերը, տուրքերը և վճարները չվճարող անձանց նկատմամբ օրենքով սահմանված կարգով կիրառում է համապատասխան միջոցներ:

Համաձայն <<Տեղական ինքնակառավարման մասին>> ՀՀ օրենքի 35-րդ հոդվածի առաջին մասի 26-րդ կետի՝ համայնքի ղեկավարը օրենքով նախատեսված դեպքերում և կարգով անձանց ենթարկում է վարչական պատասխանատվության:

Համաձայն <<Գույքահարկի մասին>> ՀՀ օրենքի 9-րդ հոդվածի 2-րդ մասի՝ գույքահարկ վճարող կազմակերպությունները հարկային մարմնի հաստատած ձևով գույքահարկի կիսամյակային հաշվարկը մինչև հաշվետու կիսամյակին հաջորդող ամսվա 20-ը (ներառյալ) «Հարկերի մասին» Հայաստանի Հանրապետության օրենքի 15-րդ հոդվածի «գ» կետով սահմանված եղանակներով ներկայացնում են՝ հարկվող օբյեկտ համարվող շինությունների մասով՝ շինության գտնվելու վայրի համապատասխան հաշվառող մարմին:

<<Վարչական իրավախախտումների վերաբերյալ>> ՀՀ օրենսգրքի 169¹ հոդվածի 2-րդ մասի համաձայն՝ հայտարարագիրը կամ հաշվարկը կամ օրենքով կամ այլ իրավական ակտերով սահմանված այլ փաստաթուղթ, բացառությամբ ֆինանսական հաշվետվությունների, հարկային մարմիններ կամ օրենքով սահմանված դեպքերում տեղական ինքնակառավարման մարմիններ սահմանված ժամկետում

չներկայացնելը՝ առաջացնում է տուգանքի նշանակում՝ սահմանված նվազագույն աշխատավարձի տասնապատիկից մինչև քսանապատիկի չափով:

Տվյալ պարագայում <<ՄԱՆԶ 045>> ՍՊԸ-ի կողմից էջմիածնի համայնքապետարան չեն ներկայացվել գույքահարկի և հողի հարկի հաշվետվություններ:

Ելնելով վերոգրյալից և ղեկավարվելով ՀՀ Սահմանադրությամբ, ՀՀ Հարկային օրենսգրքի 447-րդ հոդվածի 3-րդ կետի, <<Տեղական ինքնակառավարման մասին>> ՀՀ օրենքի, Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասի, <<Գույքահարկի մասին>> ՀՀ օրենքի 9-րդ հոդվածի, և <<Վարչարարության հիմունքների և վարչական վարույթի մասին>> ՀՀ օրենքի 53-րդ, 58-60-րդ հոդվածներով՝

ՈՐՈՇՈՒՄ ԵՄ

1. <<ՄԱՆԶ 045>> ՍՊԸ -ից հոգուտ էջմիածին համայնքի բյուջեի գանձել 20 000 /քսան հազար/ ՀՀ դրամը, որպես 2018թ. -ի առաջին կիսամյակի գույքահարկի հաշվարկ տեղական ինքնակառավարման մարմին սահմանված ժամկետում չներկայացնելու համար տուգանք:

2. Սույն որոշումը կարող է դատական կարգով բողոքարկվել ՀՀ վարչական դատարան՝ <<Վարչարարության հիմունքների և վարչական վարույթի մասին>> ՀՀ օրենքի 70-րդ և ՀՀ վարչական դատավարության օրենսգրքի 73-րդ հոդվածներով նախատեսված կարգով՝ դրա ուժի մեջ մտնելու օրվանից երկամսյա ժամկետում:

3. Սույն որոշման պահանջները չկատարելու դեպքում, <<Վարչարարության հիմունքների և վարչական վարույթի մասին>> ՀՀ օրենքի 88-րդ հոդվածով սահմանված կարգով այն ենթակա է հարկադիր կատարման՝ ՀՀ ԱՆ ԴԱՀԿ ծառայության միջոցով՝ անբողոքարկելի դառնալուց հետո եռամսյա ժամկետում:

4. Սույն որոշումն ուժի մեջ է մտնում կողմերին իրազեկելուն հաջորդող օրվանից կամ սույն որոշմամբ ուղղակիորեն շոշափվող անձանց վերաբերյալ տեղեկությունները հայտնի չլինելու դեպքում հրապարակման պահից, azdarar.am կայքի և /կամ համայնքապետարանի տեղեկագրերում հրատարակելու միջոցով:

ԷԶՄԻԱԾՆԻ ՀԱՄԱՅՆՔԻ ՂԵԿԱՎԱՐ

Ղ.ԳԱՍՊԱՐՅԱՆ

